



Arkivnr: 2016/4882-1  
Saksbehandlar: Birthe Andersen Haugen

## Saksframlegg

### Saksgang

Utval	Saknr.	Møtedato
Yrkesopplæringsnemnda		25.05.2016
Utval for opplæring og helse		02.06.2016
Fylkesutvalet		23.06.2016

### Treksatsar for teoriopplæring til lærlingar

#### Samandrag

I budsjettet for 2016 vart det vedteke at treksatsen for teoriopplæring til lærlingar skulle aukast slik at Hordaland kom på same nivå som Rogaland. Det var venta at denne auken ville gje ei meirinntekt på om lag 3 mill kr i 2016. Vidare vart det vedteke at treksatsen heretter skal regulerast i takt med auken i lærlingtilskotet.

Lærebedriftene vart varsla om dei nye treksatsane i desember 2015. Satsane vart sett til kr 98,- pr time for basistilskot I og kr 67,- pr time for basistilskot II. Satsane skulle gjelde frå 01.01.2016. I etterkant av varslinga har det kome reaksjonar frå fleire hald.

I denne saka vert det fremja forslag om å redusere satsane for 2016 til kr 75,- pr time for basistilskot I og kr 40,- pr time for basistilskot II. Frå og med 1.1.2017 vert treksatsane regulert i takt med utviklinga i lærlingtilskotet.

#### Forslag til innstilling

1. For 2016 vert treksatsane for teoriopplæring sett til kr 75,- for basistilskot I og kr 40 for basistilskot II.
2. Frå og med 01.01.2017 vert treksatsane regulert i takt med utviklinga i lærlingtilskotet slik det er skissert i saksframlegget

Rune Haugsdal  
fylkesrådmann

Svein Leidulf Heggheim  
fylkesdirektør opplæring

*Saksframlegget er godkjent elektronisk og har derfor inga underskrift.*

## Fylkesrådmannen, 12.05.2016

I budsjettet for 2016 vart det vedteke at trekkssatsen for teoriopplæring til lærlingar skulle aukast slik at Hordaland kom på same nivå som Rogaland. Det er venta at denne auken vil gje ei meirinntekt på om lag 3 mill kr i 2016. Vidare vart det vedteke at trekkssatsen heretter skal regulerast i takt med auken i lærlingtilskotet.

I Hordaland har trekkssatsen for teoriopplæring vore uendra i om lag 10 år. Tabellen under viser trekkssatsar hausten 2015 i Hordaland og Rogaland.

Fylkeskommune	Trekkssats basistilskot I <sup>1)</sup>	Trekkssats basistilskot II <sup>2)</sup>
Hordaland	Kr 44,- pr time	Kr 15,- pr time
Rogaland	Kr 98,- pr time	Kr 67,- pr time

1) Tilskot til lærebedrifter som teiknar lærekontrakt eller opplæringskontrakt etter opplæringslova § 4-5. Basistilskot I for 2016 er på 139 066 kroner per lærling eller lærekandidat for eitt år med fulltids opplæring.

2) Tilskot til lærebedrifter som teiknar lærekontrakt etter opplæringslova § 4-5 tredje ledd, og for lærekontraktar teikna av lærlingar som tidlegare har fått oppfylt sin rett til vidaregåande opplæring. Satsen for basistilskot II for lærekontraktar er 4 229 kroner per lærling per måned i heile læretida i bedrift, totalt 50 748 kroner i året. Eit år vert rekna som 12 månader. I denne ordninga vert det ikkje gjort skilnad på opplæringstid og verdiskapingstid. To år i bedrift gjev tilskot på 101 496 kroner.

Dersom ein legg satsane for lærlingtilskot våren 2016 til grunn, kunne satsen for basistilskot I vore sett til kr 105,- pr time og for basistilskot II til kr 75 pr time.

Lærebedriftene vart varsla om dei nye trekkssatsane i desember 2015. Satsane vart sett til kr 98,- pr time for basistilskot I og kr 67,- pr time for basistilskot II, det same som i Rogaland. Satsane skulle gjelde frå 01.01.2016.

I etterkant av varslinga av nye satsar har det kome reaksjonar frå fleire hald. Det er spesielt opplæringskontora for store lærefag t.d byggfag som har reagert på auken i trekkssatsane. Desse opplæringskontra har relativt mange lærlingar i særlop. Tilbakemeldinga er at trekkssatsen no vert så høg at bedrifta/opplæringskontoret ikkje lenger vil kjøpe teoriopplæring frå fylkeskommunen. Vidare vert det sagt at det er spesielt vanskeleg i 2016 fordi endringa kom så seint at budsjetta for 2016 allereie var lagt, og avtalar om teoriopplæring allereie var inngått.

Det er lærebedrifta som teiknar lærekontrakt og opplæringskontrakt med lærlingar og lærekandidatar, som er ansvarleg for at lærlingane får den opplæringa dei har krav på i samsvar med opplæringslova. Når lærlingen manglar teori i einskilde fag, kan lærebedrifta inngå avtale med fylkeskommunen om at den tek ansvar for delar av opplæringa. Ansvarsfordelinga mellom bedrift og fylkeskommune skal gå fram av lærekontrakten eller opplæringskontrakten. Det er lærlingar i særlop som ofte treng teoriopplæring ved ein vidaregåande skule parallelt med læreløpet. Lærlingar som følgjer ordinær progresjon med 2 år i skule og 2 år i lære, har med få unntak dekkja all teoriopplæring gjennom skuletida.

Det er viktig å merke seg at det ikkje er faktiske utgifter ved opplæringa som skal leggjast til grunn for reduksjonen i tilskotet. Fylkeskommunen kan trekkje lærebedrifta i basistilskot I eller basistilskot II, ut frå prosentdel av tid av opplæringa som foregår utanfor bedrifta. Det er difor naturleg å knytte trekket til satsane for basistilskot I og II.

Fylkesrådmannen meiner at det er fylkeskommunen som kan gje det kvalitativt beste teoritilbodet til målgruppa, og at det er viktig at fylkeskommunen også i framtida leverer desse tenestene til lærebedriftene. Ein bør difor ta omsyn til tilbakemeldingane frå brukargruppa og setje ned trekkssatsen for 2016.

Dersom ein legg til grunn ei deling av auken i satsane mellom fylkeskommunen og bedriftene, vert satsane til kr 75,- for basistilskot I og kr 40 for basistilskot II. Dette vil gje eit stipulert inntektstap på 1,5 mill kr i høve

budsjett 2016. Fylkesrådmannen meiner at vi frå 01.01.2017 bør regulere satsane i tråd med nivået på lærlingtilskotet, slik at fylkeskommunen får tilskotet for sin del av opplæringstida. Dersom ein legg lærlingtilskotet pr 01.01.2017 til grunn, vil satsane vere kr 105,- pr time for basistilskot I og kr 75,- pr time for basistilskot II. I samband med budsjett 2017 legg fylkesrådmannen til grunn at satsane vert regulert til dette nivået. For påfølgjande år vert teoritrekke justert i tråd med utviklinga av lærlingtilskotet.